

Servizo de  
CONTRATACIÓN

CONCELLERÍA  
DE  
CONTRATACIÓN

CONCELLO  
DE VIGO



A Xunta de Goberno Local do Concello de Vigo, na súa sesión de data 06 de febreiro de 2020, realizou entre outras, as seguintes actuacións:

**5.- PROPOSTA DE ADXUDICACIÓN DA CONTRATACIÓN DOS SERVIZOS BIBLIOTECARIOS COMPLEMENTARIOS PARA A BIBLIOTECA MUNICIPAL "XOSÉ NEIRA VILAS". EXPTE. 15967/331.**

Visto o informe de fiscalización do 29/01/2020, dáse conta do informe-proposta de da Mesa de Contratación de data 28/01/2020, que di o seguinte:

11.- Propostas de adxudicación

a) Procedemento aberto para a contratación dos servizos bibliotecarios complementarios para a biblioteca municipal "Xosé Neira Vilas" (15.967-331)

**LEXISLACIÓN APLICABLE**

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación dos servizos bibliotecarios complementarios para a biblioteca municipal "Xosé Neira Vilas" (15.967-331)

**ANTECEDENTES**

**Primeiro.-** Con data do 24 de outubro de 2019 a Xunta de Goberno local, acordou:

*"1º.- Aprobar a contratación, a través de procedemento aberto e tramitación ordinaria, dos servizos bibliotecarios complementarios para o funcionamento da Biblioteca Municipal "Xosé Neira Vilas" (avenida Martínez Garrido, 31, CP 36205 Vigo).*

*2º.- Aprobar o Prego de prescricións técnicas que rexerá a citada contratación, de data 11 de outubro de 2019, redactado polo Xefe do servizo de Xestión e Promoción Cultural.*

*3º.- Aprobar o Prego de cláusulas administrativas particulares que rexerá a citada contratación, de data 17 de outubro de 2019, redactado polo Servizo de Contratación.*

*4º.- Autorizar o gasto por importe total de 591.004,12 € (cincocentos noventa e un mil catro euros con doce céntimos), que inclúe un IVE (21%) de 102.570,96 € € (cento dous mil cincocentos setenta euros con noventa e seis céntimos), con cargo á aplicación orzamentaria 3321.227.99.10 "Funcionamento Biblioteca Martínez Garrido", según o seguinte detalle:*



Copia do documento - Concello de Vigo

Data impresión: 07/02/2020 09:20

Páxina 1 de 4

Expediente 15967/331

CSV: 2CE7EH-B9DH35-B48CE4-2CFGYQ-KXP649-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

2020 (3 abril-31 decembro)	2021	2022 (1 xaneiro-2 abril)
219.163,00 €	295.502,06 €	76.339,06 €

5º.- Autorizar á mesa de contratación, de conformidade co artigo 326.5 da LCSP, a solicitar, se o estima oportuno, informes técnicos para a valoración dos criterios cuxa cuantificación dependa dun xuízo de valor, aos seguintes especialistas na materia relacionada co obxecto do contrato:

- \* Inmaculada C. Serrano Plaza, directora Biblioteca Pública "Juan Compañel" de Vigo.
- \* Gerardo Marraud González, director Biblioteca Universitaria-Universidade de Vigo.
- \* Mariña Fariñas Pérez, axudante de bibliotecas da Universidade de Vigo.

6º.- Acordar a apertura do procedemento de contratación conforme ao previsto na lexislación vixente".

**Segundo.-** A concelleira delegada de Contratación, por delegación da Xunta de Goberno local (acordo do 20 de xuño de 2019), o 8 de xaneiro de 2020 adoptou a seguinte resolución:

"Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación dos servizos bibliotecarios complementarios para a biblioteca municipal "Xosé Neira Vilas" (15.967-331) na seguinte orde descendente:


	Licitador	Puntuación total
1	LTM SERVICIOS BIBLIOTECARIOS, S.L.	92 puntos

Segundo.- Requirir ao licitador clasificado en primeiro lugar, LTM SERVICIOS BIBLIOTECARIOS, S.L. (B-15.648.595), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares".

**Terceiro.-** Esta resolución foi notificada ao licitador clasificado en primeiro lugar, LTM SERVICIOS BIBLIOTECARIOS, S.L., o día 9 de xaneiro de 2020, que presenta a documentación requirida o 23 de xaneiro de 2020, dentro do prazo concedido.

Transcorrido o referido prazo, con data do 28 de xaneiro de 2020, o citado licitador presenta certificado acreditativo da solvencia técnica declarada na documentación presentada o 23 de xaneiro. Agora ben nos supostos nos que o licitador presentara a documentación no prazo sinalado pero fose incompleta ou con defectos emendables, a Xunta Consultiva de Contratación do Estado considera que o órgano de contratación deberá darlle a este licitador un prazo para emendar que sexa suficiente (Recomendación da Xunta Consultiva de Contratación Administrativa sobre a interpretación dalgúns preceptos d texto refundido da Lei de contratos do sector público tras a modificación desta realizada pola Lei 14/2013, do 27 de setembro, de apoio aos emprendedores e a súa internacionalización).

	Copia do documento - Concello de Vigo	Data impresión: 07/02/2020 09:20	Páxina 2 de 4
	Expediente 15967/331	CSV: 2CE7EH-B9DH35-B48CE4-2CFGYQ-KXP649-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**Cuarto.-** A Mesa de Contratación na sesión do 28 de xaneiro de 2020 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

## **FUNDAMENTOS XURÍDICOS**

**Primeiro.-** A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar LTM SERVICIOS BIBLIOTECARIOS, S.L., como a solicitada de oficio pola Administración municipal e, comprobado que esta é correcta, procede adxudicar este contrato.

**Segundo.-** A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por LTM SERVICIOS BIBLIOTECARIOS, S.L., de conformidade co informe de valoración da proposición avaliable mediante xuízo de valor de data 27 de decembro de 2019 e co acordo da Mesa de Contratación do 8 de xaneiro de 2020 polo que se outorgou ao único licitador presentado a máxima puntuación pola súa proposición avaliable a través de fórmula (cláusula 16.3 do PCAP).

**Terceiro.-** A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

*“Adxudicar a LTM SERVICIOS BIBLIOTECARIOS, S.L. (B-15.648.595) o procedemento aberto para a contratación dos servizos bibliotecarios complementarios para a biblioteca municipal “Xosé Neira Vilas” (15.967-331) coas seguintes condicións:*

- a) *O prezo total do contrato é de 543.858,31 euros, sendo a cota correspondente ao IVE de 94.388,63 euros.*
- b) *Comprométese á realización de estudos de público usuario conforme ao previsto no apartado 7.B.3 do Anexo I -FEC- do PCAP.*
- c) *Comprométese a por a disposición do servizo 75 horas en horario diferente ao habitual, incluso en horario nocturno, sen custo para o Concello.*

*Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno local e a oferta presentada, formada pola proposición avaliable mediante xuízo de valor e a proposición avaliable a través de fórmula”.*



Copia do documento - Concello de Vigo

Expediente 15967/331

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

Data impresión: 07/02/2020 09:20

Páxina 3 de 4

CSV: 2CE7EH-B9DH35-B48CE4-2CFGYQ-KXP649-H1

O que comunicamos para coñecemento xeral e demais efectos, informando que contra a anterior resolución poderá interpoñerse recurso contencioso-administrativo perante o Xulgado do Contencioso-Administrativo no prazo de dous meses, contado desde o día seguinte ao de publicación de este anuncio.

Alternativamente, poderá interpoñerse, con carácter potestativo, recurso especial en materia de contratación ante o "Tribunal Administrativo de Contratación Pública da Comunidade Autónoma de Galicia" no prazo de quince días hábiles contados a partir do seguinte ao de publicación de este anuncio.

A presentación do escrito de interposición terá que facerse necesariamente no rexistro do órgano de contratación (Rexistro Xeral do Concello de Vigo) ou no rexistro do "Tribunal Administrativo de Contratación Pública da Comunidade Autónoma de Galicia".

A presentación do escrito de interposición poderá efectuarse nos lugares establecidos no artigo 16.4 da Lei 39/2015 de 1 de outubro, do Procedemento Administrativo Común das administracións públicas así mesmo poderá presentarse no rexistro do órgano de contratación (Rexistro Xeral do Concello de Vigo) ou no rexistro do "Tribunal Administrativo de Contratación Pública da Comunidade Autónoma de Galicia".

O enderezo web do "Tribunal Administrativo de Contratación Pública da Comunidade Autónoma de Galicia" para a presentación do recurso é:

<https://tacgal.xunta.gal/procedementos.html>

De non presentar recurso especial en materia de contratación, a partir do día 2 de marzo de 2020 remitiráselle o contrato ao adxudicatario para a súa sinatura dixital.

Os informes e documentación que motivan esta adxudicación poden consultalos no seguinte enderezo web:

[https://contrataciondelestado.es/wps/poc?uri=deeplink%3Adetalle\\_licitacion&idEvl=E8U3qSRFAyqmq21uxhbaVQ%3D%3D](https://contrataciondelestado.es/wps/poc?uri=deeplink%3Adetalle_licitacion&idEvl=E8U3qSRFAyqmq21uxhbaVQ%3D%3D)

Se publica anuncio no Perfil de Contratante do concello de Vigo para os efectos sinalados na cláusula 9 do prego de cláusulas administrativas particulares ("As notificacións practícaranse por medios electrónicos o mesmo día da publicación do seu contido no perfil de contratante. Cando nelas se sinale algún prazo para a práctica dalgunha actuación polo destinatario, este computarase desde a data de publicación no perfil de contratante"), ao abeiro do previsto na disposición adicional 15ª da Lei 9/2017, do 8 de novembro, de contratos do Sector Público.

A Técnica de Administración Xeral do Servizo de Contratación (por delegación-resolución 14.12.2017).- Ángela Fernández López

